

# Lettera A Mamma

Mamma risponde nun possu  
À e vostre dulente chjame  
Troppu miseria aghju à dossu  
È mi si rode la fame  
Sò prigiuneru languente  
In quella Prussia à punente

Venissi una rundinella  
Ch'eo la mandi messagera  
O venga puru una stella  
À purtà la mio preghera  
Le mio pene è lu mio amore  
Versu voi mamma d'amore

V'abbracciu per lu penseru  
Vi mandu sti versi soli  
Dicendu sò prigiuneru  
Chì tuttu què vi cunsoli  
Mamma, la vostra tristezza  
À mè dà tant'amarezza